

JAMHURI YA MUUNGANO WA TANZANIA MAHAKAMA



TANGAZO LA NAFASI ZA KAZI YA WASAMBAZA NYARAKA WA MAHAKAMA

Mahakama ya Tanzania inapenda kuutangazia umma kwamba kuna nafasi za kazi ya Wasambaza Nyaraka za Mahakama. Nafasi za Wasambaza Nyaraka za Mahakama zipo katika Mikoa kumi na moja (11) **Geita, Kagera, Katavi, Kigoma, Kilimanjaro, Lindi, Njombe, Shinyanga, Simiyu, Singida na Songwe**. Kwa mujibu wa Kanuni ya 4 na ya 6 ya Kanuni za Madalali wa Mahakama na Wasambaza Nyaraka za Mahakama Na.363 za Mwaka 2017 (***The Court Brokers and Process Servers (Appointment, Remuneration and Discipline) Rules, GN No. 363 of 2017***), Kamati ya Uteuzi na Nidhamu ya Madalali wa Mahakama na Wasambaza Nyaraka za Mahakama pamoja na majukumu mengine, imepewa jukumu la kuteua Wasambaza Nyaraka za Mahakama wenye sifa kama zilizyoainishwa hapa chini.

MSAMBAZA NYARAKA ZA MAHAKAMA.

(a) Sifa za Waombaji.

- i. Raia na Mkazi wa Tanzania mwenye umri wa utu uzima.
- ii. Awe ana Leseni kwa ajili ya kufanya kazi ya Msambaza Nyaraka za Mahakama.
- iii. Awe na Elimu ya Kidato cha Nne na kuendelea na awe

na uwezo wa kuzungumza lugha ya Kingereza na Kiswahili kwa ufasaha.

- iv. Awe amehudhuria mafunzo ya majukumu ya Msambaza Nyaraka za Mahakama yanayotolewa na Chuo Cha Uongozi wa Mahakama (IJA) na kutunukiwa Cheti cha Umahiri **(Certificate of Competence)**.
- v. Awe anafahamu kikamilifu Kanuni za Usambazaji Nyaraka za Mahakama kama zilivyoainishwa na Sheria ya Mwenendo wa Madai na Sheria nyingine husika.
- vi. Awe amelipa ada ya maombi ya kiwango cha Shilingi 30,000/= ambayo haitarejeshwa.

(b) Kazi za kufanya.

Kusambaza nyaraka za Mahakama zinazotokana na mwenendo wa mashauri na zinazotolewa nje ya mwenendo wa mashauri ambazo zinajumuisha:-

Wito wa kuitwa Shaurini, taarifa, nakala za Hukumu nakala za Maamuzi, Tuzo au amri nyingine halali za Mahakama.

Taarifa ya uteuzi wa Dalali wa Mahakama.

Nyaraka nyingine zozote zitakazotolewa na Mahakama.

(c) Ada, gharama na posho za Wasambaza Nyaraka za Mahakama.

Ada, gharama na posho atakazolipwa Msambaza Nyaraka za Mahakama ni kama zilivyoainishwa katika Kanuni ya 30 na 31 ya Kanuni za Madalali wa Mahakama na Wasambaza Nyaraka za Mahakama kwa

mujibu wa Tangazo la Serikali Na. 363 la Mwaka 2017 (***The Court Brokers and Process Servers (Appointment, Remuneration and Discipline) Rules, ON No. 363 of 2017***).

Barua zote za maombi zitumwe kwa Katibu wa Kamati ya Uteuzi na Nidhamu ya Madalali wa Mahakama na Wasambaza Nyaraka za Mahakama kupitia kwa Hakimku Mkazi Mfawidhi wa Mahakama ya Hakimku Mkazi (Mkoa) Mkoa ambao Msambaza Nyaraka za Mahakama anaotarajia kufanyia kazi. Aidha, Hakimku Mkazi Mfawidhi wa Mahakama ya Hakimku Mkazi (Mkoa) ana wajibu wa kuwasilisha taarifa ya siri ya Mwombaji kazi ya Udalali wa Mahakama na Usambazaji Nyaraka za Mahakama kwa Msajili, Mahakama Kuu ya Tanzania.

(d) BARUA YA MAOMBI YA USAMBAZAJI NYARAKA ZA MAHAKAMA IAMBATANISHWE NA: -

- i. Kivuli cha Cheti cha Elimu ya Kidato cha Nne na kuendelea.
- ii. Kivuli cha Cheti cha Umahiri (***Certificate of Competence***) cha majukumu ya Msambaza Nyaraka za Mahakama kilichotolewa na Chuo Cha Uongozi wa Mahakama (IJA). Au chuo kingine kinachotambulika.
- iii. Ufupisho wa taarifa za mwombaji (CV). (***Taarifa isiwe na "Referees" ambaye ni ndugu, jamaa au rafiki mwenye uhusiano wa karibu na mwombaji***).
- iv. Kivuli cha Cheti cha kuzaliwa au kitambulisho cha Uraia.
- v. Picha mbili za rangi (***passport size***) zilizopigwa hivi

karibuni.

- vi. Fomu ya Maombi ya Msambaza Nyaraka za Mahakama (Fomu Na. 4) iliyojazwa kikamilifu.
- vii. Leseni ya Biashara kutoka katika Halmashauri ya Jiji, Mji, Manispaa au Wilaya.
- viii. Barua ya utambulisho juu ya tabia ya Mwombaji kutoka kwa watu wanaoaminiwa. **(Barua isiandikwe na ndugu, jamaa au rafiki mwenye uhusiano wa karibu na mwombaji).**
- ix. Fomu ya Wadhamini wawili wa Muombaji (Fomu Na. 5) yenye jumla ya kiwango cha udhamini kisichopungua milioni mia nne (400,000,000/=).
- x. Nakala ya uthibitisho wa malipo ya Kodi **(TIN)**.
- xi. Hati ya kubadilisha jina **(Deed Poll)** iwapo kuna tofauti ya majina katika nyaraka zitakazotumika katika maombi ya Mwombaji.


Fomu zote za maombi za Wasambazaji Nyaraka za Mahakama zinapatikana katika Ofisi zote za Mahakama ya Hakimu Mkazi Mfawidhi (Mkoa) Tanzania Bara na Ofisi ya Msajili wa Mahakama Kuu ya Tanzania, **D O D O M A .**

Mwisho wa kupokea maombi ni **tarehe 09 Septemba, 2025 saa 9:30 Alasiri.**

Mwombaji aandae nakala tatu (3) na atume maombi yake kwa njia ya Posta (E.M.S) au kwa Mkono na kuwasilishwa kwa Msajili,

Mahakama Kuu - Masjala Kuu S.L.P 2757, **DODOMA** Makao Makuu ya Mahakama.

Imetolewa leo tarehe 30 Agosti, 2025 na:-

A handwritten signature in blue ink, consisting of a stylized, cursive script that is difficult to decipher but appears to be a personal name.

Kny: MSAJILI

MAHAKAMA KUU YA TANZANIA

